

中國方志叢書·華南地方·第二五七號


據

清·祝宏等纂修
清雍正九年修，民國廿二年重刊本

影印

雲南

建水縣志





成文出版社有限公司印行



民國癸酉仲冬

重印建水州志

王垂書署



重印建水州志序

建水志乘創修於有明清順治丁亥流寇之
變兵燹後殘缺無全書州牧李公瀕纂輯成
帙時當草創固多缺畧陳公肇奎踵而修之
盡美矣未盡善也雍正辛亥刺史祝宏來守
是邦集士紳而修之悉心搜羅採輯纂修缺

者補繁者刪誤者正修分縷晰勒為成書名
曰建水州志後乾隆庚寅改州為縣以至清
朝鼎革蓋闕如也迨民國戊午始續修焉維
時成濫竽分校每嘆相距二百餘年之久朝
代滄桑物換星移建水一邑幾經變故雖曰
文獻名邦訪已往之事蹟而老成彫謝莫由

徵文而攷獻至使昔之忠孝節義勲業文章
以及山林隱逸儒林文苑方技之可傳者不
知湮沒幾許其可徵求者僅得諸殘碑斷碣
父老傳聞草野輿論於其所不知者如史之
闕文也廣搜博採弗敢遺亦弗敢濫以期共
信閱三載而告竣名曰續修建水縣志脫稿

時都人士爭先快覩所印少數今已罄盡
而未得披覽者猶多生斯長斯而不知地方
之風俗禮教先進之嘉言懿行山川疆域之
沿革數典忘祖不惟後人無所觀感又何以
備省志國史之採擇爲旅省同鄉有鑒於此
會商籌貲重印幸得黃君毓沂之子珉認捐

巨賁印州志貳伯部縣志叁伯部亦爲慷慨
可風先是乃祖恩貢黃公汝霖嘗云異日修
志予願採訪贊襄盡衆梓之義務而有志未
逮卽下世矣孰意其子若孫之見義勇爲樂
輸以成此美舉俾志乘廣爲流傳竟償乃祖
之素志洵可謂興宗矣可謂有志者事竟成

也成雖善善從長如有所譽者其有所試矣
援筆敘之可爲後之急公好義者勸寫

民國癸酉小陽月邑人馬肇成敘於漢

省客次

丁丑秋月續贈縣志壹
百伍拾部州志壹百部



跋

建志在前明舊有成書丁亥流寇之變
林燬無存入

國朝來兩經纂脩搜羅復古未備方今
聖明在御湛恩厚澤薄海內外罔不徧覆

當事諸公紀綱整肅百度維新政治之可

書者衆矣

刺史祝公臯表初蒞吾建檢閱舊志欲補
葺而續脩之時方汲々民事未暇也歷
今四載勤撫字脩政令興利剔弊濬河
築堤所屬三猛獫狫遠逾千里素號桀
驁難制者悉奉命惟謹又大有頻登民

生樂業公餘之暇乃集紳士廣搜博採
損益徃志勒為成書自山川疆域忠孝
節義勲業文章城郭田賦學校風俗幽
而鬼神顯而禮樂政令以至山林隱逸
文苑方技之可傳者靡不備書而悉載
之庚戌之冬公擢守元江其惠澤深入

人心去建之日父老子弟泣涕攀留愛
戴不忍舍置雖古所謂攀轅卧轍截鐙
留鞭者何以加茲公亦拳々不忘吾人
志既成捐俸付之剗厠公之用心可謂
勤且至矣公為浙之望族其尊甫

喻存先生守平陽政績卓然無愧漢之潁

川渤海公幼承庭訓孝友著聞故歷官
清謹所至有聲如此瞻曩承乏鄰邑又
與公族廼前有通門之誼知之甚悉附
志簡末以見斯志之成非徒文字之工
已也

雍正辛亥新秋浙江金華府浦江縣知縣昀

町邢世瞻頓首拜跋

建水州志序

建水為臨郡附郭之州郡之
人物風土文章科目之盛甲
於全滇而實屬建壤凡郡之
所宜志者建皆得而志之前
明時包司空見捷所撰郡志

丁亥流寇之變患火於兵無
有存者

國朝己酉庚戌間前州牧李君瀨
纂輯成帙時當草創尚苦搜
羅未備迨後陳君肇奎踵而
續之繁蕪靡襍識者用為識